

JOANNIS BAPTISTÆ
RIGANTII

COMMENTARIA

In Regulas, Constitutiones,
& Ordinationes

CANCELLARIÆ APOSTOLICÆ

OPUS POSTHUMUM.

TOMUS III.

Complectens Regulam XXV. usque ad XLVIII.

A D

Eminentissimum, & Reverendissimum Principem

ANTONIUM XAVERIUM

S. R. E. CARDINALEM

GENTILI.



ROMÆ, MDCCXLVI.

Ex TYPOGRAPHIA GENEROSI SALOMONI IN PLATEA S. IGNATII.

SUPERIORUM FACULTATE, ET PRIVILEGIO.





JOANNIS BAPTISTÆ RIGANTII COMMENTARIA

In Regulas, Constitutiones, & Ordinationes
Cancellariæ Apostolicæ.

T O M U S III.
R E G U L A XXV.

De Moneta.



TEM declaravit idem Dominus Noster, quod libra Turonensium parvorum, & Florenus auri de Camera pro æquali valore in concernentibus Literas, & Cameram Apostolicam computari, & æstimari debeant.

A R G U M E N T U M.

Ecce Regula Libram Turonensem parvorum, & Florenum auri de Camera æquals æstimandos esse valoris. Florenus nunquam fuit moneta imaginaria, sed vera, & realis, adinventus a Florentinis, & ita nuncupatus, quia Flore signatus, illiusque valor importat unum ducatum auri de Camera, qui constituitur ex uno scuto auri in auro, & uno Julio argenteo. Agitur de valore Scuti aurei, qui varius diversis temporibus fuit, & a s.m. Clemente XI. adiunctus ad Julios sexdecim cum dimidio, quod augmentum influit etiam in augumentum Ducati aurei, & Floreni, in quibus persolvuntur Taxæ pro expeditionibus Literarum Apostolicarum Beneficiorum etiam Consistorialium Regni Francie. Taxa, quæ solvit pro Comuni, & minutis servitiis, quæ sit pro Beneficiis existentibus in Patria Obedientia, & in Patria reducenda, & an vigore Concordatorum alterari possint Taxæ pro expeditione Beneficiorum Gallie sine consensu Regis, & Prælatorum ejusdem Regni. Valor fructuum Beneficiorum in eorum impetrationibus exprimi debet in Ducatis auri de Camera, & Ducatus valutari debet juxta illius valorem currentem in Curia absque detractione Cambii.